

Broj: 01-36-1-134-28-3/13
Sarajevo, 28. 10. 2013. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05) i člana 22. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 01-02-1598-7/12 od 26. juna 2013. godine, federalni ministar raseljenih osoba i izbjeglica **d o n o s i**:

O D L U K U

o produženju roka za podnošenje prijava po Javnom pozivu raseljenim osobama u Federaciji Bosne i Hercegovine i povratnicima u Republici Srpskoj za pomoć u stambenom zbrinjavanju u okviru Regionalnog programa stambenog zbrinjavanja (RSP u BiH)

I

Rok za podnošenje prijava po Javnom pozivu raseljenim osobama u Federaciji Bosne i Hercegovine i povratnicima u Republici Srpskoj za pomoć u stambenom zbrinjavanju u okviru Regionalnog programa stambenog zbrinjavanja (RSP u BiH) produžuje se do 02. 12. 2013. godine.

II

Odluka o produženju roka za podnošenje prijava biće objavljena na web stranici Federalnog ministarstva raseljenih osoba i izbjeglica i dnevnim novinama „Nezavisne novine“, „Dnevni list“ i „Oslobođenje“.

III

Ova Odluka stupa na snagu danom donošenja.

O b r a z l o ž e n j e

Predstavnici Federalnog ministarstva raseljenih osoba i izbjeglica su u proteklom periodu održali sastanke sa predstavnicima resornih kantonalnih ministarstava, općina, centara za socijalni rad i nevladinog sektora u Tuzli, Zenici i Goraždu, radi upoznavanja sa raspisanim Javnim pozivom i ciljevima Regionalnog programa stambenog zbrinjavanja. Detaljnom analizom navedenog Programa, učesnici su iskazali potrebu za produženjem Javnog poziva kako bi upoznali najugroženije kategorije potencijalnih korisnika sa istim i pružili im pomoć radi apliciranja na navedeni Javni poziv. Pored toga, planirano je održavanje sastanaka i u ostalim regionalnim područjima.

Na osnovu naprijed navedenog, odlučeno je kao u dispozitivu ove Odluke.

Akt pripremio Sektor 04

MINISTAR

mr. Adil Osmanović

Dostaviti:

1. Kabinet ministra
2. Sektor 02
3. Sektor 04
4. a/a